

برنجی سنه ۰ نومرو ۶ برنسخه می ۱ چاریکه دز ۱۵ صفر سنه ۱۲۹۷

بر کینمش کنیسنه برده چکی دوزن و یرمش که
تعریفه صیغمر .

﴿م - چکی دوزن تعبیری تحف سوزلیدن .
ادیبانه استعمالی جائز اوله جغنی بیلمیوردم .
احتمال که بونیده مؤلفک مثال امثال صورتنده
کوسترملک استدیکی «راضیه» خانملرک «عارفه»
خانملرک اجباریله «شفیق» افندیلر . «لا . . .»
بکالر الدقلری «حکمت» . . . «یا خود یا شایه جیلوق»
« . . . دیلوما» لرینه علاوه ایتدیرمشلردر .

پاک تدقیق ایدرسهک «چکی» لفظنی قنطار جیلار
چارشیدسنده «دوزن» کله سنی ده سنبل زاده نک
معهود کتابنده

« بیلیم صانمه صاقن مکرزنی

اوبیلیر بیلمدیگک بردوزنی

یتنده بوله بیلیرز . فقط ظن ایدرز که لسان

ادب ایچون اویتلرماً خذ اولغه لایق دکادر . ﴿
مابعدی وار

—

فضل و کالی مشهور و متواتر اولان طربزون
والیسی سیری پاشا حضرتلری جانب سامیلر -
ندن (مجموعه علوم) هیئت تحریریه سنه معاوننده
بولنیه جغنی وعد بیورلشیدی .

اشته بو کره پاشای مشارالیه حضرتلری
جانبدن - علمک فضیلت و شرفی حقسنده و
(مجموعه علوم) . یادکار اولوق اوزره -
ترجه سنه همت بیوریلان بعض اثار ایله تزیین
صحایف ایدیلور .

قرآن مجید ایله ثابتدر که عالم علوی وسفلینک
خلق و ایجادینه سبب کلی واللّه ذوالجلال
حضرتلرینه مابهالتقریک اشرف و افضلی
علمدر

حدیث صحیح نبویدر که «اعلما ورثه انبیادر»

آیری آیری تجلی ایلمش . قادیلقده ملکیتدن هر نه
وار ایسه سنده و شهوانیتدن هر نه واریسه آنده
جمع اولمش «دیه ذهنی عارفه دن راضیه یه
وراضیه دن عارفه یه انتقال ایلد که چه برزه و تقوی
صاحی آدمک برکیجه نی عالم فسق و فجورده
که چورمش اولسنده کی ندامت کبی بر ندامت حس
ایلر ایدی که هر حالده او کیجه نک صفائی ده نفس
اماره یه انکار ایتدیرمک قابل اوله مرز .

برارالق شفیق «شوقادینه کیمم !» دیدی .
واقعا او چ کون کیتدی . لکن عقلنه بیه
کتورمدی دکل . شیطان دائماً ذهنی غجقلار
﴿م - شیطانده نه مسخره مخلوق اولمش !
ذهن غجقلا مقدر بشقه اکلنه جک برشی بوله -
مامشمی ؟ باری یورک چالسه یورک یاقی یا پشدرسه
«جنبه» ایچنده بولنا نلره مشافهه ایچون خرطوملی
انسان قیافتنه کیرسه کندیسنه قاردن بیق
قاردن قاش یاپسه «واریتنی» اوزمان کوسترسه
نه اولوردی ؟ ﴿

و باخصوص بوقدر مکمل برقادینک نصل
اولوبده بویه غیر منتظم بر عمر که چوردیگنی
اکلامق مرای بیچاره فیلسوفی چاتلاتور ایدی .
بناء علیه دردنجی کونی اوشاق اجزاخانه یه کلوبده
«خانم ترتیب اولنان عسلاجلری بتورمش .
تشریفکری رجا ایدیور» دیدیکی زمان مقاومت
ایده بیلیمک شفیقک اقتدارینک فوقنه چیقدی .
قالقدی . آتیه بندی . عارفه خانمک یانه واردی .
خانمک بو کونکی حالی درت کون اولکی
حالندن درت قاتدها اعلا ایدی . چهره سنه
دوداقلرینه رنگ کلمش یوزنده کی تبسم دهاز یاده
آرتمش حال و شاننه بر شطارت و حتی انک براز
دها فوق اولوق اوزره برارده عشوه بازلق منضم
اولمش . هله او کونه مخصوص اولوق اوزره

صاحب رسالت افندمن حضرت تری بر کره «اللهم
ارحم خلفائی» یور مشر ایدی حاضر بولتان
اصحاب کرام «یا رسول الله خلفای کرامکن آیا
هانکی ذوات قدسیت سماتدر» دیه صور دیلر
علت وجود کائنات علیه اکمل التحیات افندمن
دخی «خلفام بدنن صکره مه دارای وجود
اولوب حدیث وسنمی امتعه نقل وروایتله حائز
قصب السبق فضیلت اوله حق ذوات کرام ذوی
الاحترامدر» یور دیلر

حدیث علویده ده وارددر که «دینک کمالی طلب
علم ومقتضاسیله عملدن عبارتدر وطلب علم
سزک اوزر کره طلب مالدن زیاده واجب ولازمدر
زیرا مال بین النساء والرجال مقسومدر مضموندر
انی قسام عادل ینکرده تقسیم ایدوب هر کسک
حظ وفصینی کندی ضمانی آتیه آلمشدر بویله
برضمین البتہ امین وتحت ضمانده کنی ایفا
ایده جکی حائز رتبه یقیندر علم ایسه او یله
اولوب اهلی عندنده مخزون و مکنون ایدو کندن
آنی طلبله مأمور سیکر»

سجاد دیمش که «اگر ناس طلب علمده اولان
فوائد لا تحصای بیاسه لر ولو که یوزلرینی یارمق
ودر یازده طالمقله اولسون ینه طالب وتحصیلنه
چالشیر نردی»

امام باقر دیمش که «علمی منفعتبخش انام
اولان عالم ذو فنون یتش ینک عابدز هادت
نمودن افضلدر»

امام جعفر صادق دیمش که «خیر لو برشی فی
تعلیم ایدن آنکه عامل اولانک اجری قدر
ثوابه نائل اولور»

امام رضا آباء کرامندن حضرت رسول اکرمدن
روایتله دیر که «طاب علم هر مسام اوزر ینه
فرضدر بناء علیه آتی ظن اولتان یرده آرایوب

اهلندن اقتباس ایدیکر زیرا حسب الله تعلیمی
حسنه در طایب عبادتدر مذاکره سی
تسبیحدر مقتضاسیله عمل جهاددر تعلیمی
صدقه در اهلنه بذل الله تعالی یه قر بتدر

چونکه علم - معالم حلال وحرام اولوب
سبیل هدایت دلیل جنتک مناری وکشینک
حال وحشده مونس غمکساری و غربت
ووحشده ارقداشی وخلوته جان یولدشی
وسرا وضراده دلیل ورهبری واعدا علیهنه
سلاح ظفری واخلای عندنده زیب
وز یوری در

جناب رافع الدرجات بو واسطه سنیه ایله
بعض اقوامک قدر و شرفلرینی اعلا ایدرک
کندی لری خیره قادیلا رکه آنلرک آثاری اقتباس
وافعالنه اقتدا و آراء صائبه لر یله اهتسدا
اولنور

ملائکه کرام بو امتیاز علوی ایله ممتاز اولنلرک
خلتنه (دوستلغنه) اظهار خواهش و رغبت
ومبارک قناد لر یله آنلری مسح ایدوب نماز لرنده
«اللهم بارک علیهم» دعا سنی زیور زبان تذکار
ایدرلر

ود کرک حیاتن وهوامنه وقره نک سباع وانعامنه
وارنجه یه دک کائناتدن رطب ویابس نه وارسه
هپسی او اقوام بنام ایچون جناب غافر الذنوب
وساتر العیوبدن استغفار ایدرلر

علم - حیات القلوبدر که موت مدهشه اش
اولان یبلا ی جهل ونادانی مجرد انکله مبدل
صفای جاودانی اولور

ضیاء الابصاردر که ارتفاع حجاب ظلماتی ایله
بینایی ده بصر بصیرت انسانی اولور
قوة الابداندر که وجود وهن آلود آدمه افاضه
آثار توانایی ایله بر طرف ساز ضعف و ناتوانی اولور

زیر امثلاً اعضای وجود انساندن (ایاق) ده
بر و جمع و علت حادث اولسه الم واضطرابی
بتون وجوده ساری اولقله برابر مشی و حرکت
و استحصال مأرب و حاجاته ده مانع اولور بناء
علیه ایغک علل و امراضدن صحت و سلامتی
ایکی سیدن ناشی مطلوب و ملتر مدر

بو اعتبار ایله علمه دخی نظر اولندقدده
کور یلور که (علم) حد ذاتنده لذیدر بناء
علیه سائر لذات کبی لذاته مطلوب اولش اولور
برده وجدان حکم ایدر که (علم) الله
ذوالجلال حضرت تارینک طاعتنه و دنیا و آخرت
سعادتنه باعث و وسیله و قرب الهی و فیض
نامتناهی یه ذریعه اشیله در

چونکه علمسنز بونلرک برینه توصل اولنه من
انسانه کوره ایسه رتبه اعظم اشیا «سعدت
ابدیه» و «جناب کبریایه قربت معنویه» دن
و افضل اشیا دخی بوا یکی دولت و سعادتک
وسيلة الحصولی اولان شیدن عبارتدر
حالبوکه سعادتین مذکور تینه علم و عملسنز
وصول ممکن الحصول دکلدر

انجق علمه دخی کیفیتنی بیملکسنزین وصول
تیسر نمای حصول اوله من

ایمدی بو تقدیرجه دنیا ده ده عقباده ده سعادتک
اصل و اساسی علمدن عبارت ایدوکی ظاهر اولوب
بناء علیه افضل اشیا علم ایدوکنده اشتباه بو قدر
بونده فصل اشتباه اولنه بیلینر که هر شینک فضیلتی
مطلقاً ثمره سنک شرفیله بیلنور علمک ثمره سی ایسه
شونلدر

اولا - جناب رب العالمینه قرب معنوی
ثانیا - افق ملائکه یه التحاق
ثالثا - ملاء اعلا یه مقاربت
ایشته آخرتجه سی بونلر ۱۰۰۰

عبد قلیل المقداری منازل اختیار و مجالس ابراره
ابلاغ و ایصال و دنیا ده ده عقباده ده درجات
عالیاته نیل و وصول ایله قدر و منزلتی رسیده
مرتبه اقصی الکمال ایدر

علمک مذاکره سی لذت صیامه و مدارسه سی
فضیلت قیامه معاذلدر مولای متعال
حضرت تارینک مطاع و معبود اولسی بیله
علمه منوط و صلة ارحام ایله معرفت
حلال و حرام دخی بو واسطه جلیله یه متوقف
و مر بو طدر

علم برامام هدا در که تابعی علمدر الله
ذوالجلال آتی سعاده الهام و اشقیایه حرام ایدر
ایمدی نه بو طولو اول کیمسه یه که جناب فیاض
مطلق انی بو حظ و نصیبدن محروم ایتماش اوله
مرغوب فیه اولان شیء نفیس اقسام آتی یه

انقسام ایدر

(۱) لذاته مطلوب اولان

(۲) لغیره مطلوب اولان

(۳) لذاته و لغیره مطلوب اولان

لذاته مطلوب اولان لغیره مطاوب اولاندن
اشرف و افضلدر

لذاته و لغیره مطلوب اولان دخی یالکر لذاته
مطلوب اولاندن ده اشرف لیدر

دنایر و دراهم لغیره مطلوب اولان قسمدن
زیرا بونلر حد ذاتنده بررسنکپاره غیر نافعه در که
اگر حق سبحانه و تعالی حضرت تری استیفای
حوایج ناسه واسطه و آلت ایتماش اولسه نزد
ناقص نظران اولو الابصار و محک اعتبارده
ایکی سیده حصاة بتقدار ایله همعیار اولوردی
ذاتی مطلوب اولان دخی لذات کبیدر
سلامت و صحت بدن ایسه هم لذاته هم لغیره
مطلوب اولان قسمدن

دنياچه سنه كنجه :

هېچ شك يو قدر كه حقيقتده انسانك عز و شرف و وقارى و ملوك و امر از زنده قدر و نفوذ و اعتبارى و طباع بشريده لزوم احترامى هب علمك ثمرات نافعسى آثارى اولوب حتى اشبو دقايق و اسرارى تمير و ادراك اقتدارندن بى بهره بولنان اغيابه ترك ايله اجلافي عربك ييله شيخ و ريسلر ينى طبعاً توقير و تعظيم ايله مجبول اولملى مجرد كنديلر ينه نسبتله انلك سادهجه تجر به دن مستفاد بر علم زائده اختصاصلرندن ناشيدر

هم ده آنلره نه حاجت ۱۰۰۰! بيم دخى انسانك بهيچيت در كه سندن چوق عالي بر كال ايله متمير ايدو كنه شعورندن ناشيدر كه آنى توقير ايدر ايشته مطلقاً علمك فضيلتى بودر

صكره علوم متنوعه مرتبه لر ينك اختلافيله مختلف و بناء عليه فضائلى ده مراتبك تفاوتيله لامحالاه متفاوت اولور

تحقيق يقين ايله معرفه الله منتهى اولنجه كه عرفانن غايت مقصود و اصل مطلوب دخى بودر - صوكى وار

مكاتب صبيانيه محليه اصول تدريسيه سنى اصول جديده يه توفيقاً اصلاح ضمننده اطنه واليسى ضيا پاشا حضرتلر ينك همت مخصوص - صه لر يله نفس اطنه ده حاكم الشرع حيدر بك افندى حضرتلر ينك تحت رياست سماحتلر نده تشكىل ايدن معارف قوميسيونينك برايكى اى كيجه لرى ساعت يديلره قدر سعى و غيرت ايلمسينك نتيجه حسنه سى اولاق و ايلروده اچيلمسى متصور اولنره نمونه اتخاذ ايدلمك اوزره ايكي باب مكتب كشاد اولمشيدى .

بو مكتبلره دوام ايتكده اولان سكسان قدر چوقق بك از بر زمان ظرفنده غزته او قويه جق

قدر قرائت تركيه او كرنديكلى مثللو نائب مشار اليه حضرتلرى طرفندن اخلاق و اعتقاديات و عبادات مسائل مهمه سنى شامل اوله رق (مركى الصبيان) ناميله قلمه النان و بعد الطبع مجانا كندولر ينه توزيع بيوريلان رساله ايله تهذيب اخلاق و تعلم اصول دينيه ايلديكلى اطنه دن بالورود (جمعيت علميه) ده مع الممنونيه قرائت اولنان بر مكتوبده محرر در .

اطفال عبادى تعليم و تربيه خصوصاً نجه والى و نائب مشار اليهما طرفندن وقوعه كسان همت و سماحتدن طوبى عرض شكر و محمدتله برابر رساله مذكوره نك خطبه سيئه برنجى بابنك مجموعه يه درج اولنمى سنى جمعيت تنسيب ايلمشدر :

مركى الصبيان

بسم الله الرحمن الرحيم
يرلى و كوكلى يوقدن وارايدن الله حمد ايدر * بره طوغرى يول كوستر مك ايچون كوندر ديكى يغمبر ايله اصحابنه صلوة و سلام ايلرز * (برنجى باب)

ايو كووتو خويلارى بيلدير
چو جقلر بيلمش اوليكز كه بيلن ايله بيلمين آدم بردكادر . چونكه بيلن الدانمز . ضررلى شيئه يقلاشمز . فائدهلى شيلرى ايشلر . ايشنده كسه يه محتاج اولمز . هر كس ياشنده اعتبارلى اولور . مر امنى كوزل افاده ايدر . اشته انسانك حيواندن ايرلمسى بوشلرله در . اما بيلمين كيچمه هر شيمده الدانور . چوق وقت ضرر كورر . فائده سنى قولايجه قاچرر . ايشنده هر كسه محتاج اولور . كسه نك ياشنده اعتبارى اولمز . امدى بورالرينى دوشنوب دائماً او قومغه يازمغه بيلمكه چالشمليدر .